

T3133/3314.81(1)

永平府志

卷之二
卷之一
卷之首

圖
世紀
沿革

重修永平府志序

經不欲詳史不欲簡兼之者志也夏書所載禹八年治水九州作貢之文不滿百行夫子修春秋皆經國大訓人有微而不名事有小而不紀以是知經之不欲詳也且夫子叙書斷自堯舜

而太史公作史記則遠述軒皇
歐陽文忠尙論五代之際雖滑
稽小說有所不遺以是知史之
不欲簡也然則志何以兼之昔
明人作一統志詳書風俗政事
而略於文章意者其有得於此
乎永平志自萊陽宋觀察刊訂
以來終今五十餘年未經修緝
采風者憂之方今

主上勵精圖治省耕省斂之使不絕
於路閔蝗閔雨之

詔頻下於庭又嘗

命館閣之臣錄子史之精華輯皇輿
之表鑑以備

序
乙夜之覽觀恭惟

天子大聖一日萬幾且猶孜孜汲汲
考鏡古今以求通天下之情如
此其至也然則有天下者憂天
下有官守者憂官守亦固其所
予承乏永平五年於此矣上之
不能修明教化衰贊太平之治

次之不能親歷田間問民疾苦
宣

上德意下之有司一掌故之書亦復
殘闕不舉庸非官守之戾歟緣
積退食餘工考前事之得失刺
民間之利弊稽於官謀於野諮
諏於士大夫家凡所謂五十年

來未經補綴者悉書於策苟完
一郡之章程留俟後賢之鑒定
內備職方之采取外資通志之
集成蓋放乎史之意而不欲簡
也然不敢誇多而闕靡也有若
孟姜哭城湘子遺影飛將軍射
石之類事涉不經無關吏治或

存而弗辯或削而不書夫亦遵
乎經之旨而不欲詳也其節孝
之事蹟獨加詳者以爲意在勵
民可垂世範也吾因之且有感
矣士生斯世狃於科舉之習爭
爲無用之文一切經世之學廢
而不講一旦得志於有司見用

於

皇家寄之一官而授之以政匪執滯
而不達則迂濶而難行夫士不
通經固無足取第徒守空言而
不審實用豈不可惜王荆公有
言經術所以經世務予嘗推其
意而廣之曰經世之道存乎經

用世之鑒存乎史通世之情存
乎志志也者爲政之先資也蓋
可以忽乎哉明初有岢嵐學正
山陰教諭二人給由至京師孝
陵召問民間事皆對不知孝陵
怒曰宋儒胡瑗爲湖州教授其
訓諸生兼以時務聖賢之道所


以濟世也民情不知則所教何
事由此觀之古之爲人臣者雖
居清閒冷落如廣文之官猶以
民事爲已任否則人主亦將加
之以罪史臣書之以爲後戒而
况其號爲長民者哉是志之成
也學博徐香胡仁濟實相與討

論之宜著其勤爲來者勸

時

康熙五十年辛卯九月之吉

特擢大中大夫直隸永平府知府加
一級前署理通永道事兩任順
天府薊州知州三河文安二縣
知縣加六級東越張朝琮撰



永平府舊志序

古者列國必有史今之列郡卽古之列國一郡之志卽一國之史永平爲墨台氏故封昌黎先世橫渠後昆咸在封內是古聖賢之邦也自遼金元先後爭據載籍泯闕明與定都于燕永爲東輔郡遂爾文獻斌斌焉予來守永欲明習一方事因取郡志披閱之弘治十四年郡張行人纂者簡而核萬曆十九年閩郭文學修者博而賅刪繁補闕可爲全書遂集郡貢士及博士弟子員爲之適豫章涂印玄來登礪石謁孤竹有子長風予愛其手註會旨刻之因確

郡志徐子曰春秋詳內而畧外義精而體當若後世之書
 有簡有博簡者闕博者繁闕則失義繁則傷體義失鮮史
 學體傷乏史才此春秋之為絕筆也予嘉其議而屬之志
 徐子筆則直心則虛出入張郭二書參取州縣諸乘而編
 摩筆削之及傳政蹟行誼必於郡縉紳先生是徵自巳亥
 閏四月迄秋八月而稿脫首圖者七為卷者十為綱者八
 為目者五十有七編年以著沿革列傳以敘事實備述以
 廣記略不闕而核不繁而賅於義無失於體無傷此志既
 成永平之疆域初置政事文章風俗人物可以傳世不泯

而後之稱信史者必曰永志云萬曆巳亥河南按察司副
 使管永平府事東齊徐準撰

又

周官詔觀事則有志詔地事則有圖厥典重哉北平負山
 帶河雄稱四塞屹然京陵左馮翊其地簡重地重而典滋
 重矣郡弘治辛酉有張志什一厯存越八十四禩為萬曆
 辛卯有郭志苞舉容蓋之繁抉闡今昔之奧臚陳畛列若
 開玉府而璜璫璋爛焉畢具第連類洗洋遠者歎浩汗
 而難收近者苦極目而難竟俾畿左外史識者莫睹大全

雖玄圃積玉無所用之嗟嗟載籍掛漏而不廣擴窮搜則疎疎則前守責也載籍博括而不約取中筦則贅贅則今守責也新城徐公憂之曰守責弗修是遽廬守也某曷敢迺愍神揆思損舊益新且求海內多聞有道術者得江右隱君涂公國柱振纓高談卒卒語合遂董其事志爲十卷圖七綱八目五十七天時地利并大故首象方建置政教肇自官師故政事職官次之地因人靈文章蔚焉故選舉人物藝苑又次之至備述祥异時務亦旁綜者所不廢也志成命不佞瑜敘端簡讀之體裁合集冠冕詞家或直書

以申規或微詞以見諷津津一方文獻云徐公奮跡鄒魯以經術經世務章縫斐然嚮風且也四三年來海氛震鄰天灾虐野苦兵苦運苦賑公膏雨吾土酌泉不媿二清以故刑平政蘇六屬赤子依之身爲志也凡諸廢置沿革不及行載筆而存之言爲志也身志言志且不煩彫章縟采豈好爲更張已邪不則龍門待嗣續而卒業眉山以雁行而成書是役也搦札未逾歲含毫不數人驟而託於不朽者之林則志非難志志者之難也觀者因文識意并登志之所以不朽者何在卽繇茲而睹大全可也萬曆己亥兵

科給事中前翰林院庶吉士郡人白瑜撰

又

永平府志張勗之郭續之涂君筆削之稿脫且刻以傳矣
迺郡守徐公之美政也始末載在白吉士前序余按志而
書其後曰夫志事之紀也而經世之道寓焉感化之理昭
焉是故上之人觀於象方也則知辨於建置也則憂廢於
政事也則欲因其利而利之於職官也則懼曠於選舉也
則尚賢於人物蒞苑也則圖令名於備述也則務達權夫
知辨則不惑憂廢則不墮因其利而利則惠溥懼曠則奮

尚賢則幾於道圖令名則罔愆務達權則通經世之道備
於斯矣易曰通其變使民不倦神而化之使民宜之是故
夷齊以清化則頑者懦者變召公以德愛化則蔭棠陰者
變昌黎氏以文教化則士風之衰者變上者化之下者變
之天下萬世皆然孰謂人心之不古也顧在上者之感化
何如耳世有作者不騁文詞以爲高則炫物象以自侈其
於官箴民隱乃或若罔攸聞者其亦弗思焉耳矣庚自按
歷考齊後告歸釣臺十有四年不諳當世之務而竊有望
於經世者慎感化焉巡按陝西山東福建道監察御史郡

人韓應庚撰

又

郡有乘其昉于國史之遺乎永平偏壤屬孤竹故封古文
物衣冠地也嗣以金元竊據幾百季所迨我明混一寰宇
置關設衛爰稱雄鎮爲神京左協然障塞一垣瀕海百里
許尤東北要劇之區不佞承乏于茲去城陷時未久睠其
民生凋瘵里戶單虛賦役繁苛風俗偷薄竊有慨焉更以
羽檄交馳卽荒垣三百餘里儘費拮据日奔走于踈烟斷
嶺之中猶不暇給無問勞勞郡治矣夫去故者新難圖憑

虛者實愈遠天下事不可以臆任昭昭也是故考時者證
變度地者覽勝觀風者驗治論世者定宗凡所轄之山川
井邑戶口土田人物食貨建置興除暨于城郭溝塗郵傳
甲兵民風吏治咸筆之書者所以述往古詔來茲得失之
林鑒戒係焉勿可後也宜直指韓公甫入境亟以郡志下
詢也郡故有志已巳之變火爲梨災搜之耆舊僅得原本
乃知經剗刪者三而前劉公謀以繕之而郡侯擢去不果
茲者關中李侯雅有同心博諮廣採補甘闕遺分綱析目
于疆域物力屯社戎政則加詳焉累月生成屬余爲序夫

永平府志 卷五
徐公熊公再序原本亦既該矣余復何言惟是披覽之餘
繇今思昔不能無感于斯志也嗟嗟戶口百登今耗賦役
昔簡今繁風俗昔厚今偷人才昔隆今替而固偏壤乎然
而天下之盛衰一隅之積也一隅之盛衰天下之漸也盛
衰之數在天而致之誠在人考之則在書山書也者政之
所自出也後之君子蒞斯土讀斯志觀邊疆則思握險控
御巡鑿壺標之事徵人用則思愛養制節盈縮損益之宜
未病而調笑無逸策庶寒谷春生涸轍波迴有望乎不然
徒曰紀故實備採風也殆匪爲志者之志矣 宗順壬午整

飭永平等處監軍兵備道陸安姚恭撰

志修成兵亂
失稿未刊

又

燕京之郡有八而永平在薊之東北古云遼西卽其地也
負山帶河險固四塞昔曹公北伐烏桓出盧龍塞經白檀
登白狼望柳城殆所謂踞上游者歟其間分野灾祥山川
土田官師人物固彬彬乎三才具備也歷宋元明皆詳於
所志矣至我

清定鼎以來兵火旣更舊籍殘落余於康熙二年過故里有
韓生者以修志請余曰永平雖處偏隅亦一代文憲事也

永平府志 卷之六
遂捐資助之并命大叅宋君竣其事無何工未成而宋君擢浙臬矣并携板而南無何工未竟而宋君又以坐事罷矣余曰事豈可以已哉復遣人往浙取板來京師仍發永平輿續纂其集迄數年竟無有起而叅考者余每爲之三歎曰永平雖蕞爾郡而置險設兵控扼西北屹然一巨鎮矣地靈起而人傑輩出冠帶舄履之盛蓋殷殷焉豈千百年以來至今日而可失其傳乎庚戌冬適有楊生來謁因道前修志事余曰是予之初志也乃思永平郡丞羅君者余門人也卽郵札致之命董理其工謂斯集之成藉以不

朽者君之力也而羅君果踴躍從事不數月而厥功告成矣夫古者千乘之國與附庸之邦皆有史官以掌記時事第不過君卿大夫言動之一端而所謂分野災祥山川土地官師人物之類意別有圖籍以主之今志則無不燦列矣是故古史之失在略而今志之得在詳也後之採風者覽其遺文而一代典章名物之盛不旣犁然具備也哉余故喜而爲之序康熙庚戌總督淮揚等處地方提督漕運海防軍務兼理糧餉兵部尙書兼都察院左副都御史蔡士英撰

又

古郡國皆有風採之輶軒以徵土俗皆有乘紀之太史以傳人物班孟堅易八書爲十志志之名肇此焉劉子芸述書十品而郡書地理居二郡書詳於人地理詳於境後世兼而載之善哉丘文莊之有言也世有千載不刊之書無百年不葺之志蓋志兼史以行者也大則疆域建置賦役風謠小則災祥品秩往蹟遺徽非旁綜廣攬則湮佚靡該非慎核精搜則名實易謬江文通所謂修史之難無過於志况官師之增改戶口之繁減令甲政教之損益月易而

歲不同不及時補綴曷詔後來歟北平馮翊重鎮清聖故封之地將軍桃李之蹊爲神京左輔郡乘罹亂久失前守彭公來觀察宋公修輯原稿爰以壽鏡迄今又十鑽新火矣其間

鑾輿雲罕之朝

陵蒐獵駐蹕巖疆龍驤分守之建置營房徼巡固圉皆未記於前冊猶爲急務不佞自丙辰之冬來守此土瞻謁宮牆展禋膾臘而楹宇頽殘蜡祭無所慨然歎云聖宮弗葺何以振文教而揚武功廟祀乏祠何以銷螟螣而豐嘉穀又

軫龍郡多年名甲寥落非剏立書院無以教養生儒弘敷
德造也於是捐俸倡募先修文武二學次及蜡廟書院閱
歲鳩工始竣焉政通人和年無祲敗簿書稍暇復思郡志
存往以遺今豈重望於後起者乎於是咨詢紳掖改稽邑
乘博不厭精約不傷刻數月而告成帙以副文宗允托之
盛心俾後袞披覽此志景慕勝舉因之興繕備敗課士育
材用繼不佞尊聖娛神崇文毓秀之苦心陽山灤水其式
馮之康熙己未中憲大夫直隸永平府知府加七級三韓
常文魁撰

歷考修志姓氏

明

弘治辛酉郡守江都吳公傑訪構舊志殘缺舛訛乃屬
致仕行人張公廷綱廣文吳公祺率諸生修輯府志
萬曆辛卯副使歸善葉公夢熊聘舊門下生閩人郭造
卿修府志時郡守山左陳公維城與郡司理烏城沈
公之唵同爲修輯

萬曆己亥郡守新城徐公準屬豫章隱君涂公國柱修
輯府志

崇禎壬午郡守三原李公在公因郡志遭巳巳火災復
廣採補輯志成又值兵亂失稿未刊

國朝

順治戊戌觀察副使萊陽宋公琬撰輯府志二十三卷
郡守宜興路公遴叅校後遼陽彭公士聖訂梓

康熙戊申郡丞壽州梁公泰來留心郡乘屬山海衛教
授錢公裕同修補

康熙庚戌漕運總督郡人蔡公士英屬郡丞會稽羅公
章董理刊刻府志

康熙巳未郡守三韓常公文魁屬郡紳江公淑問管公
聲揚孫公如林貢士韓公鼎業翟公鳳翥及楊生新
鼎修補府志

康熙庚寅郡守蕭山張公朝琮委府學訓導徐公香盧
龍縣學教諭胡公仁濟續修府志

永平府志目錄

卷之首

圖

卷之一

世紀

卷之二

沿革

卷之三

星野 災祥



卷之四

疆域 山川

卷之五

里市 風俗 物產

卷之六

城池 公廨 學宮 祀典 惠政

卷之七

戶口 賦役

卷之八

漕運 鹽法

卷之九

邊防 軍衛

卷之十

古蹟 丘墓 寺觀

卷之十一

犬寧考 斥候

卷之十二

先聖 先賢

卷之十三

后妃

封爵

段田二傳

卷之十四

職官

卷之十五

宦績

卷之十六

科貢

卷之十七

武勲

封廕

卷之十八

人物前

卷之十九

人物中

卷之二十

人物後

卷之二十一

列女

流寓

方技

仙釋

逆關缺

卷之二十二

藝文上

卷之二十三

藝文下

卷之二十四

雜志

永平府志卷之首

萊陽宋 琬撰次

府學訓導徐 香叅訂

蕭山張朝琮續纂

盧龍教諭胡仁濟校輯

圖

北平係墨台故封拱

神京而扼邊塞屹然一重鎮也分野定於宿度沿革垂乎



古今語井疆則繡壤星羅覽山川則巨觀屏列首陽

孤竹仰止非遙灤水漆河溯洄伊邇可謂天挺其異


地效其靈者矣且慷慨悲歌士氣之奮揚不減於昔

敦龐愿慤直道之未泯猶見於今此固採風之所急
書抑亦臨民之所必悉爰列疆域得按幅員東西朔
南披圖而收一郡之勝土田井里寓目而知七屬之
形庶創建之規模千年如昨而守牧之境界百世爲
昭云

永平府
輿地圖



盧龍縣輿地圖





遷安縣輿地圖




撫寧縣輿地圖





昌黎縣輿地圖




灤州輿地圖



樂亭縣輿地圖



山海衛輿地圖



永平府志卷之首終

永平府志卷之一

萊陽宋 琬撰次

府學訓導徐 香叅訂

蕭山張朝琮續纂

盧龍教諭胡仁濟校輯

世紀

夫志一方之史也不論世其何徵焉曩郭建初為戚少保作燕史十年而成其書不傳而略見於府志然且西包薊北東跨遼水北舉大寧事該文奧讀者不能盡究茲為一郡之書不得不以今日之疆理為斷故於古之所謂昌黎柳城和龍之事皆不錄此亦寓



內方志義例之所同而往蹟之存多于塞外後之君子欲知之者自能觀全史而得之也

堯都冀州命禹治水任土作貢夾右碣石入于河

舜肇十有二州舜分冀州自衛水以北為并州醫無閭之地為幽州碣石以東接青州之北為營州

湯十有八祀三月王至東郊立聖賢古有功者之後封孤

竹等國各有差詳見古蹟

殷之末年孤竹君之二子伯夷叔齊讓國而逃詳見先聖藝文

周武王克殷伯夷叔齊餓于首陽之下

惠王十有三年冬齊桓公伐山戎史記山戎伐燕燕告急于齊齊桓公北伐山戎

山戎走國語載桓公之言曰寡人北伐山戎荆今支斬孤竹而南歸海濱諸侯莫不來服

七國時燕北有東胡山戎通鑑註自漢北平無終白狼以北皆大山重谷諸戎居之春秋

謂之山戎各分散居谿谷自有君長燕築長城自造陽至襄平

置上谷漁陽右北平遼西遼東郡以拒胡詳見沿革

秦始皇三十二年始皇之碣石使燕人盧生求羨門高誓

壞城郭決通隄防

三十三年使蒙恬築長城起臨洮至遼東萬餘里詳見古蹟

二世元年東行郡縣到碣石並海盡刻始皇所立刻石石

旁著大臣從者名

漢武帝元朔元年秋匈奴二萬騎入漢殺遼西太守畧二千餘人圍材官將軍韓安國于漁陽會燕救至匈奴乃去安國益東徙屯右北平數月病死天子乃復召李廣拜爲右北平太守匈奴畏之數歲不敢入右北平

五年春以大行李息岸頭侯張次公爲將軍出右北平擊匈奴

元狩二年夏衛尉張騫郎中令李廣出右北平擊匈奴三年匈奴數萬騎入右北平殺畧千餘人

四年夏票騎將軍霍去病出伐右北平二千餘里擊匈奴

鹵獲多天子封其所部右北平太守路博德等四人爲列侯

元封元年夏上東巡海上至碣石

光武帝建武元年夏遣吳漢率耿弇景丹等十三將軍追賊至潞東及平谷斬首萬三千餘級遂窮追於右北平無終土垠之間至浚靡而還

二年春漁陽太守彭寵反攻拔右北平數縣

二十五年春正月遼東徼外貊人寇右北平遼東太守祭彤招降之

和帝永元九年秋八月鮮卑寇肥如

十三年冬十一月鮮卑寇右北平遂入漁陽漁陽太守擊破之

安帝元初四年夏四月遼西鮮卑連休等人寇郡兵與烏桓大人於秩居等共擊大破之斬首千三百級

永寧元年冬十二月遼西鮮卑大人烏倫其至鞬率眾詣度遼將軍祭遵降

桓帝延熹九年夏六月南匈奴及烏桓鮮卑寇緣邊九郡
靈帝熹平六年冬鮮卑寇遼西太守趙苞擊破之

詳見名宦

中平四年前中山相張純前泰山太守張舉反與烏桓大人丘力居等連盟殺護烏桓校尉公綦稠右北平太守劉政等眾至十餘萬屯肥如

五年詔騎都尉公孫瓚討之瓚與戰於屬國石門純等大敗踰塞走瓚深入無繼反為丘力居等所圍於遼西管子城二百餘日糧盡眾潰士卒死者什五六

六年春三月幽州牧劉虞購斬張純

獻帝興平二年右北平殺公孫瓚所置長吏以郡歸劉虞
子和

建安十年春袁熙與其弟尚奔遼西烏桓

十二年曹操擊烏桓單于蹋頓上徐無山塹山堙谷五百

餘里經白檀歷平岡涉鮮卑庭至白狼山與戰大破之斬

蹋頓及名王已下胡漢降者二十餘萬口詳見田疇傳

魏明帝景初二年遣太尉司馬懿伐公孫淵經孤竹越碣

石次于遼水

晉武帝泰始十年春分幽州置平州治昌黎然非今之昌黎也許見古蹟

太康六年鮮卑慕容廆寇遼西遣幽州軍討之戰于肥如

廆衆大敗自是每歲犯邊

惠帝時鮮卑段務勿塵據有遼西之地所統三萬餘家控

弦四五萬騎安北將軍都督幽州諸軍事王浚以世亂欲

結援□□表以遼西郡封務勿塵爲遼西公

愍帝建興元年慕容廆攻段氏取徒河新城至陽樂時中

國流民歸廆者數萬家廆以冀州人爲冀陽郡據魏書冀陽郡常置

於漢北平平剛縣界豫州人爲成周郡青州人爲營丘郡水經注渝水南流逕

營丘城西南入于海并州人爲唐國郡成周唐國二郡地闕

元帝永昌元年慕容廆遣其世子皝襲段末柸入令支掠

其居民千餘家而還

成帝咸康四年春趙王虎自將伐段遼遼棄令支帥妻子
宗族豪大千餘家奔密雲山趙人徙段國民二萬餘戶於
司雍兗豫四州

五年夏四月燕前軍師慕容評襲趙將石成等于遼西俘
獲千餘家而去趙王虎乃盡徙遼西民於冀州之南

六年秋趙王虎命司冀青徐幽并雍七州之民五丁取三

四丁取二合鄴城舊兵滿五十萬具艦萬艘自河通海運

穀千一百萬斛於樂安城卽今樂亭縣自幽州以東至白狼大

興屯田悉括取民馬得四萬餘匹大闢於宛陽欲以擊燕

康帝建元元年秋趙王虎命段蘭帥所從鮮卑五千人屯
令支

穆帝永和元年趙王虎使征東將軍鄧恒將兵數萬屯樂

安是年燕始不用晉年號自稱十二年自此以下並用燕
年紀之其下則稱燕王稱名並依司馬溫公通鑑目錄

書法

燕烈祖雋二年燕王雋使慕容霸將兵二萬自東道出徒

河慕輿于自西道出嶠嶠塞雋自中道出盧龍塞以伐趙

霸軍至三陘魏書海陽縣有橫山蓋卽三陘之地鄧恒焚倉庫棄樂安遁徒

河南部都尉孫泳入城撲滅餘火霸收樂安北平兵糧與

雋會臨渠

今三河縣

元璽二年命將軍步渾治盧龍道焚山刊石令通方軌

世祖垂二年秋建節將軍餘巖叛據令支遣慕容農擊斬

之

建興五年秋九月北平人吳柱聚眾千餘立沙門濃長為

天子破北平郡高陽王隆遣安昌侯進捕斬之

十一年春征東將軍平規反于魯口其弟海陽令翰亦起

兵於遼西以應之清河公會遣東陽公根等擊破之

烈宗實永康三年夏四月蘭汗弑燕主寶遣其子和屯令

支長樂王盛遣兵襲誅之秋九月乙未以慕容豪為幽州

刺史鎮肥如

中宗盛長樂元年夏魏前河間太守盧溥聚眾海濱攻掠

郡縣秋八月遼西太守李朗叛附于魏留其子養守令支

自迎魏師於北平遣輔國將軍李旱討斬之

二年春正月魏材官將軍和突襲盧溥於遼西擒之燕主

盛遣孟廣平救之不及斬魏遼西守宰而還二月襲高句

麗拔新城南蘇二城徙其民五千餘戶于遼西

三年冬十二月魏虎威將軍宿沓干伐燕拔令支而戍之

昭文帝熙光始二年春正月慕容拔攻魏令支戊克之執魏遼西太守那頡以拔為幽州刺史鎮令支

四年冬十一月燕王熙與苻后游畋南臨滄海而還

六年大城肥如以上庸公懿為鎮西將軍幽州刺史鎮令支尚書劉木為鎮南大將軍冀州刺史鎮肥如

建始元年秋七月丙寅夕陽公雲弒其主熙自立幽州刺史上庸公懿以令支降魏

惠懿帝雲正始二年夏五月以尚書令馮萬泥為幽冀二州牧鎮肥如

北燕太祖跋太平二年廣川公萬泥叛遣汲郡公弘討斬之

六年燕王跋從兄買從弟賸自長樂帥五千餘戶浮海入遼西臨渝至和龍

八年燕將庫偃官斌降魏已而復歸燕冬十月魏主嗣遣驍騎將軍延普渡濡水濡古灤字擊斌斬之

十年夏五月魏主嗣襲燕命驍騎將軍延普幽州刺史尉諾自幽州引兵趨遼西

十七年春二月魏慕容渴悉隣反于北平攻破郡治太守

與守將擊敗之

昭成帝弘太興二年夏六月魏主伐燕秋七月己未至濡

水己巳至和龍攻之不下九月乙卯引兵還徙營丘成周

遼東樂浪帶方玄菟六郡民三萬家於幽州通鑑註燕國自慕容以來

分置郡縣于遼西其間或省或併為郡為縣皆不可攻冬十二月己丑長樂公崇以

肥如降魏燕王遣其將封羽圍之

三年春正月魏王遣永昌王健督軍救遼西

六年春三月魏平東將軍娥清等帥騎一萬伐燕平州刺

史拓跋嬰帥遼西諸軍會之

魏高宗太安三年冬十月詔太宰常英起行宮於遼西黃

山魏書遼西郡肥如縣有黃山

四年春正月魏主巡平州庚午至黃山宮遊宴數日親對

高年勞問疾苦二月丙子登碣石山觀滄海大饗羣臣于

山下班賞進爵各有差改碣石山為樂遊山築壇記行於

海濱

肅宗熙平二年秋九月城平州所治肥如城

孝昌元年秋八月杜洛周反于上谷九月以幽州刺史常

景兼尚書行臺與幽州都督元譚討之自盧龍塞至軍都

關皆置兵守險

二年秋九月就德興陷平州殺刺史王買奴

齊顯祖天保四年秋九月齊主北巡遂伐契丹冬十月丁

酉至平州從西道趨長塹

曹操征烏桓出盧龍塞塹山堙谷五百餘里後人因謂之長塹

使司徒潘相樂帥精騎五千自東道趨青山丁未旋師丁

巳登碣石山臨滄海

幼主承光元年周師至鄴營州刺史高寶寧率驍騎及契

丹靺鞨萬餘人赴救至北平聞鄴城不守乃還據營州

隋文帝開皇二年夏五月高寶寧寇平州

三年春三月癸亥城渝關夏四月幽州總管陰壽帥步騎
十萬出盧龍塞擊高寶寧平之

四年夏四月以上大將軍賀婁子幹為渝關總管

十八年春二月高麗王元帥靺鞨衆萬餘寇遼西以漢王

諒王世積為行軍元帥將兵三十萬伐高麗夏六月漢王

諒軍出臨渝關值水潦軍中乏食秋九月引兵還

煬帝大業八年春正月帝親征高麗遣二十四軍分道並

出右武侯將軍趙孝才出碣石道右驍衛將軍史祥出蹋

頓道秋八月勅運黎陽洛口太原等倉穀向望海頓

通鑑註望

海頓當在
遼西界

十年春三月帝征高麗癸亥次臨渝宮禡祭黃帝斬叛軍者以纛鼓夏四月甲午車駕次北平秋八月己巳班師十一年春二月幽州賊帥楊仲緒攻北平滑國公李景擊破之

十二年秋渤海賊帥高開道陷臨渝圍李景于北平

唐高祖武德元年營州總管鄧暠將兵救之景帥其衆遷于柳城開道遂取北平

五年冬十月契丹寇北平

太宗貞觀十九年春二月上親征高麗夏四月丁巳車駕至北平秋九月癸未班師冬十月丙辰皇太子迎謁于臨渝關戊午次漢武臺刻石紀功

武后萬歲通天元年夏五月契丹李盡忠孫萬榮反秋八月丁酉左鷹揚衛將軍曹仁師右金吾衛大將軍張玄遇司農少卿麻仁節等與契丹戰于硤石谷

唐書平州有西硤石東硤石二

戍唐兵大敗契丹飛索以縑玄遇仁節生獲之進攻平州

刺史鄒保英妻奚氏率家僮女丁乘城不下

神功元年春三月清邊道總管王孝傑蘇宏暉等將兵十

七萬與孫萬榮戰于東碇石谷唐兵大敗孝傑死之
睿宗景雲元年冬十二月奚霫犯塞掠漁陽雍奴出盧龍
塞而去幽州都督薛訥追擊之弗克

玄宗開元二年春正月命薛訥率兵六萬討契丹行至灤
水山峽中契丹伏兵擊之唐兵大敗

八年營州都督許欽澹遣兵擊契丹可突于戰敗移軍入

榆關

隋唐史文
多作榆

天寶元年春正月分平盧別爲節度統平盧盧龍二軍以
安祿山爲節度使

十五載夏四月平盧先鋒使董秦襲榆關北平殺賊將申
子貢榮先欽

代宗廣德元年春正月史朝義北奔奚契丹至溫泉柵

唐書

溫泉柵在平州
界石城縣東北其將李懷仙遣兵追及之朝義窮蹙縊于

林中

德宗貞元十一年夏四月幽州盧龍節度使劉濟奏奚王
啜刺等寇平州擊走之

昭宗乾寧二年契丹王阿保機遣其妻兄阿鉢將萬騎寇
榆關幽州盧龍節度使劉仁恭遣子守光誘而執之

昭宣帝天祐四年夏四月劉守光囚其父仁恭秋七月其兄平州刺史守奇率其眾數千人奔契丹

後梁太祖乾化二年秋七月契丹王遣其弟刺葛攻平州

破之通鑑繫在上
年今從遼史

均王乾化三年夏四月己亥晉劉光濬拔燕平州執刺史

張在吉 冬十二月晉王以周德威為幽州盧龍節度使

德威恃勇不修邊備契丹每芻牧于營平之間詳見古蹟

遼太祖天贊二年春正月丙辰大元帥堯骨克平州獲刺

史趙思溫裨將張崇二月如平州甲子以平州為盧龍軍

置節度使

天顯元年秋七月盧龍行軍司馬張崇奔唐通鑑作張希崇冬十

月盧龍軍節度使盧國用奔唐通鑑作盧文進又文進之奔在後唐明宗天成元年

而希崇之奔乃在三年遼史同繫一年而崇奔在七月國用奔在十月今從遼史

聖宗統和元年秋九月以平州旱蝗賑之

四年春二月詔林牙勤德率兵守平州之海岸以備宋

十五年春三月募民耕灤州荒地免其租賦十年 夏四

月詔平州決滯獄

十九年冬十二月免平州租稅

二十八年秋八月賑平州饑民

二十九年春三月平州水賑之

道宗清寧十年春二月蠲平州復業民租賦

太康元年夏四月賑平州饑閏月賑平灤二州饑

五年冬十月賑平州貧民

六年夏五月免平州復業民租賦一年

壽隆六年冬十月以平州饑復其租賦一年

大安四年春三月賑平州饑

天祚帝保大二年春正月金人克中京平州軍亂殺節度

使蕭諦里州人推張毅領州事

三年春正月丁巳奚王回離保據盧龍嶺自稱大奚皇帝

二月金升平州為南京加張毅試中書門下平章事判

留守事 夏四月金人徙遼降臣故同平章事左企弓虞

仲文曹勇義參知政事康公弼等于廣寧至平州張毅執

企弓等數其罪而殺之五月甲寅毅仍稱保大三年平

州附宋 宋郭藥師追擊回離保至盧龍嶺回離保遁去

尋為其下所殺 冬十月己亥張毅以精兵萬騎擊金將

闍毋于兔耳山敗之宋以平州為泰寧軍以毅為節度使

十一月金主命宗望擊鼓庚午戰于平州東大敗之鼓奔

宋金人圍平州州人立張敦固為都統乘城拒守遼史並

年四

四年夏五月乙巳闍毋克平州執敦固殺之

五年秋九月宋兵自海道破金九寨殺馬城縣戍將節度

使度盧幹

金太宗天輔三年冬十月丁巳以闍毋為南京路都統埽

喝副之知樞密院事劉彥宗兼領漢軍都統自南京入燕

山伐宋

天會四年秋九月改南京為平州遼興軍為興平軍節度

使

世宗大定元年冬十月丙午即位于遼陽甲子興平軍節

度使張玄素上謁己丑幸中都貞元元年改十二月甲辰

次海濱縣在今山海關丁巳至中都

二年夏六月己卯遣溫迪罕阿魯帶以兵四千屯古北口

薊州石門關等處各以五百人守之時契丹

三年春二月庚午徙灤州饑民于山西就食高幹叛

四年秋九月己丑以平薊二州蝗旱民多鬻為奴者出內

庫物贖之

十八年春正月壬戌如春水

十九年春正月丁卯如春水

二十年春正月己巳如春水丙子幸石城縣行宮丁丑以

玉田縣行宮之地偏林為御林大淀灤為長春淀

二十一年春正月甲子如春水以薊平灤等州民乏食命

有司發粟賑貸二月戊子元妃李氏薨己丑皇太子及扈

從臣僚奉慰于芳明殿辛卯還殯京師庚子上還都

金史世宗

即位感念昭德皇后不復立后元妃下皇后一等在諸妃上

冬十二月罷平州椿配

鹽課

二十二年冬十月辛丑徙河間宗室于平州

二十三年春正月壬午如春水

二十四年春正月戊戌如長春宮春水

二十五年春二月丁丑自上京如春水

二十六年春正月甲辰如長春宮春水

二十七年春正月庚戌如長春宮春水

二十八年春正月甲辰如春水

章宗明昌元年春正月己卯如春水

三年春正月壬戌如春水

四年春二月戊戌朔如春水癸丑獵于姚村淀

六年春正月壬辰如春水乙卯次御林

承安五年春正月丙申如春水

泰和元年春正月庚午如長春宮春水

衛紹王至寧元年蒙古兵分三道南侵以合撒兒等爲左

軍循海而東掠平灤諸郡 秋八月壬辰右副元帥紇石

烈執中反弑上于衛邸盡撤沿邊諸軍赴中都平州騎兵

屯薊州

宣宗貞祐二年夏四月僞置臨潢府于平州 六月蒙古

兵南下追金將招燈必舍及于平灤降之

三年夏五月以烏林荅乞任爲興平軍東西經畧使完顏

合達爲臨潢府推官權元帥右監軍會燕南兵復中都行

至遷安軍變殺乞任擁合達還平州推爲帥 秋八月蒙

古兵攻平州完顏合達以城降權領永安軍事鮮卑仲吉

以灤州降蒙古改興平軍爲府

四年冬十月完顏合達自平州浮海歸金

元太宗六年興平豪李仙趙小哥等作亂塔本討平之

世祖中統元年升興平府為平灤路置總管府時西域人塔本世襲行省總管于平州

三年春二月李壇反于山東辛亥勅元帥阿海分兵戍平灤海口癸丑詔籍民兵守城

至元三年夏五月蠲平灤質子戶賦稅之半

十三年平灤饑發粟賑之

二十年夏六月免平灤路今歲絲料 秋七月免平灤路

今歲俸鈔

二十四年夏四月諸王乃顏反五月帝親征詔范文虎將

衛軍五百人鎮平灤 六月括平灤路馬

二十六年秋七月發至元鈔市平灤馬 冬十一月發米

千石賑平灤饑民

二十七年夏四月免平灤路今歲俸鈔

二十八年秋九月辛酉以平灤大水詔今歲田租被災者

全免收成者半之 冬十二月賑平灤饑民

二十九年春三月丙午免平灤今歲公賦 九月丁丑以

平灤路大水且霜免田租二萬四千四十一石

成宗大德六年春三月丁酉免平灤差稅三年

七年冬十月改平灤路為永平路

十一年武宗即位秋七月乙亥以永平路為皇妹魯國長公主

分地租賦及土產悉賜之

武宗至大元年夏四月詔以永平路鹽課賜祥哥刺吉公

主中書省臣執不可乃止

三年春三月辛卯發康里軍屯田永平

仁宗至大四年秋九月丁巳以永平路歲入除經費外悉

賜魯國大長公主

英宗至治二年夏五月置營于永平收養蒙古子女

泰定帝泰定三年春三月賑永平饑民免其田租之半

秋七月賑永平饑民 冬十一月弛永平路山澤之禁

免永平田租

四年春二月賑永平饑民 夏四月賑永平饑民免今年

田租 冬十一月蠲永平田賦三年

致和元年秋七月庚午上崩于上都八月甲午留守大都

僉樞密院事燕鐵木兒迎懷王子江陵元史至元九年二月改中都為大都

丁酉發兵守遷民鎮庚戌發平灤民墾遷安鎮以禦遼

東軍九月甲子上都諸王也先帖木兒平章禿滿迭兒以

遼東兵入遷民鎮丙戌戰于薊州之東

文宗天曆二年春二月賑永平饑民糧五萬石

順帝元統二年春二月賑永平水災民鈔五千錠

至正四年春閏二月辛酉朔賑永平饑民

五年春三月賑永平饑民

十三年春正月辛未命悟良哈台烏古孫良楨兼大司農

卿給分司農司印西自西山南至保定河間北至檀順州

東至遷民鎮凡係官地及元管各處屯田悉從分司農司

立法佃種合用工價牛具農器穀種召募農夫諸費給鈔

五百萬錠以供其用

二十年秋七月乙未平章程思忠叛陷永平路昌黎縣尹

周宏死之詔也速討之復灤州及遷安昌黎撫寧三縣

二十一年春正月思忠棄城走追至瑞州殺獲萬計復永

平路

二十二年秋八月以也速爲遼陽省左丞相知行樞密院

事開省永平

明洪武元年秋九月戊申大將軍徐達遣都督同知孫興

祖等徇永平元分省叅政崔文耀以州縣來降興祖留平

章俞通源等以元五省八翼兵守之

二年春元行省丞相也速寇永平

六年冬十二月元兵寇撫寧縣及瑞州詔罷瑞州遷其民

于灤州徙撫寧縣治於洋河西

十三年冬十一月元平章完者不花與乃兒不花率騎數

千入桃林口寇永平指揮劉廣戰死千戶王輅追擊至遷

民鎮敗之擒完者不花

十四年春正月辛亥大將軍徐達發燕山等衛屯兵萬五

千一百人修永平界嶺等三十二關

十七年北平留守傅友德奏通漕運

詳見漕運

二十年春三月征虜大將軍馮勝等率師出松亭關六月

至金山降元將納哈出

建文元年春三月勅都督耿璈將兵屯山海關 秋七月

丙戌靖難兵至永平指揮趙彝千戶郭亮百戶吳買驢等

以城降

買驢後改名成封清平伯

庚寅大寧兵出松亭關攻遵化壬辰

燕王來援兵退守關癸巳百戶魯敬敗大寧兵於遷安之

釣魚山丙申燕王回北平 九月江陰侯吳高都督耿璈

楊文帥遼東兵圍永平焚西門燕王自將救之營于永平

城東追奔百餘里斬首千餘級高等退保山海關王遂引兵出劉家口 冬十月燕兵襲破大寧

二年夏四月遼東兵下昌黎五月指揮僉事谷祥敗遼東兵于定流河秋七月又敗之於部落嶺克兔耳山寨八月遼東兵圍永平不克

三年春正月遼東兵圍遵化敗之於清水寺橋 夏五月

遼東兵圍永平指揮吳興旺谷祥晝夜對敵凡八十日燕王遣指揮劉江救之大破遼東兵于昌黎斬首數千級

冬十一月燕府論守永平功軍士普陞一級爲小旗小旗

陞總旗總旗陞試百戶以上普陞一級

四年夏五月遼東兵至永平都指揮僉事谷祥引軍過小

河至十八里鋪拒却之論功普陞一級

衛卒前普小旗無卒故普爲總旗

洪武三十五年秋九月封郭亮爲成安侯趙葵爲忻城伯

永樂元年遷南民來屯

二年春二月命成安侯郭亮鎮永平都指揮同知費瓛鎮

山海

洪熙元年命襄城伯李隆鎮山海

宣德三年秋九月上出喜峰口擊兀良哈大破之班師自

永平府志 卷之一
喜峰口入還京師 冬十月命遂安伯陳瑛鎮永平武進
伯朱冕鎮山海

四年命給山海至薊州軍士附近荒田屯守

正統五年夏六月遣吏部侍郎魏驥撫安永平等府蝗災
六年春三月遣大理寺右少卿李奎撫恤永平府州縣流
移饑民

九年春二月兀良哈三衛寇邊發兵二十萬討之分四軍
成國公朱勇出喜峰口由中路左都督馬諒出界嶺口由
北路興安伯徐亨出劉家口由南路左都督陳懷出古北

口由西北路踰灤河渡柳河經大小興州過神樹至全寧
遇福餘逆戰走之次虎頭山及流沙河遇泰寧朵顏又敗
之鹵男婦以千計馬牛羊以萬計 是年以應城伯孫傑
鎮三屯

十二年秋七月永平等府蝗災遣右僉都御史張楷捕之
景泰元年提督京東軍務右僉都御史鄒來學修喜峰迤
東至一片石各關城池

天順元年灤州人唐興以妖術聚衆作亂伏誅
成化二年命東寧伯焦壽鎮三屯

永平府志 卷之二
三年發軍屯田

六年夏四月遣吏部右侍郎葉盛安撫永平等府流移饑民

七年夏六月遣戶部侍郎原傑賑恤永平等府水災

弘治五年命寧晉伯劉福鎮三屯

九年命定西侯蔣驥鎮三屯

正德八年命遂安伯陳鏊鎮三屯

十二年夏四月上東巡五月辛亥觀漁于偏涼汀駐蹕灤州癸丑觀漁于沂河

嘉靖二十九年秋蒙古人犯至灤河東岸 初設薊遼提督

三十年改提督爲總督

三十六年春二月辛巳蒙古犯冷口壬午攻劉家口關副總兵蔣承勳死之遂陷桃林營掠遷安縣及永平至雙望堡夏四月甲申朔陷河流口及暮引去

三十八年春三月把都兒辛愛十萬騎入潘家口由三屯而西乙亥入遵化城丙子陷大安口營丁丑引去總督王忬論死

隆慶元年秋九月己巳蒙古土蠻十萬人沙嶺羅漢洞掠永平撫寧樂亭各縣衛屯社丙子掠昌黎引去

三年二月命建昌遵化車騎合營從總理戚繼光之議也

萬曆元年命山海附石門為十路每路各立車營每營駐騎步兵各一枝密雲遵化三屯三輜重營每營亦駐騎步兵各一枝

三年春正月長昂犯董家口總理戚繼光遣兵禦之獲其叔長禿

十七年設管關通判

二十七年潞王發粟賑饑

四十四年大饑詔發通倉粟賑之

天啓元年初設山海經畧山右道山海戶部分司 設海運通判通海運

二年設山海理刑推官

三年設巡撫駐山海

五年命太監監視各邊

崇禎元年撤監視太監

二年冬十月 大清兵入龍井關破遵化十二月庚寅至

永平

三年春正月甲午入永平右布政兵備道鄭國昌知府張

鳳奇推官羅成功等死之盧龍知縣張養初郡人原任山

東叅政白養粹行人崔及第貢士楊熠等以城降 丁酉

攻昌黎知縣左應選固守七晝夜不下焚其郭而還

詳見宦蹟

丁未下灤州知州楊熾死之 遷安知縣朱運泰以城

降

後養粹及第為大清兵所殺獲運泰熠等送京師誅之

夏四月詔起原任按察

使永平道張春為監軍兵備道駐樂亭 五月辛丑復灤

州 壬寅 大清兵自冷口東還 詔免永平灤州遷安

租

四年開河運

五年復命太監監視關永薊遼軍務駐山海

九年移清軍同知兼海防駐昌黎 秋七月 大清兵入

墻子嶺 九月出冷口

十年大饑發內帑賑之

十一年 大清兵入曹家寨

十二年春三月出青山口

十四年添設屯田道駐灤州

十五年冬十一月 大清兵入界嶺口息馬汀流河

在樂亭西

北二十五里

十七年春三月賊李自成犯京師封總兵吳三桂為平西

伯詔入援盡撤遼民入關分駐昌黎樂亭灤州開平等處

丁巳京師陷 壬戌平西伯兵至永平 四月平西伯

還駐山海遣將出關乞師 甲申李自成至永平丙戌至

山海大戰於城西石河我

大清順治元年

即崇禎十七年

夏四月

攝政王帥師抵山海平

西伯出迎於歡喜嶺庚寅師入關分三路平西為前鋒力

戰連破七營師乘之殲賊於紅花店 辛卯賊回永平殺

明總兵都督吳襄於范家店 五月

攝政王入京師 秋九月

皇上入關經永平駐蹕城外文武官朝見如儀賞賚有差

三年 命兵科郝璧來永平圈民田給旗下以各衛屯田

補民

四年春再圈民田

七年 詔釋英王投克人戶歸籍為民

十一年饑 遣吏部左侍郎佟代大理寺卿郝傑齎銀布

永平府志 卷之一
賑永平貧民

十五年夏五月 遣刑部尚書白引謙啓心郎巴格賑永

平貧民 設工部分司

十七年撤工部分司

康熙六年秋九月丁巳

皇上幸遷安駐蹕城南謝留莊戊午由清節祠駐蹕灤河西

巳未駐蹕灤州南巖山庚申駐蹕錢家營辛酉回鑾

七年 詔發帑金遣官修邊城

八年春復圈民田 夏六月 詔追歸本年所圈民房民

地永行停止 秋七月永平道移駐通州更爲通永道

九年冬十月

皇上幸三屯駐蹕東寨文武官朝見 命武臣自副將以下

較射 賜宴 賜題知之爲知之不知爲不知是知也面

試知府蔡興周 命大學士哲那庫評閱其文 次日幸

永平

皇上由北門入自西門出至御營駐蹕於灤河之西

十年秋九月

皇上東幸謁

陵駐蹕於灤河之西登舟觀漁 召見盧龍知縣魏師段面
詢以愛民之實及其鄉貫奏對稱

旨 冬十月乙巳

皇上謁

陵回由北門入自西門出仍駐蹕於灤河之西次日回鑾

冬十一月 詔免灤盧遷撫地丁錢糧

十三年夏六月灤州添設滿洲駐防建營房於城內西北
隅

十八年復設工部分司

二十一年奉 恩詔蠲免地丁錢糧

二十四年樂亭縣水災 詔免未完民欠銀米草束

二十五年 詔免未完民欠錢糧

二十六年 詔免地丁錢糧

二十七年 詔賞八十九十百歲老人銀米絹肉有差

二十八年冬十月

皇上送

皇后梓宮至

陵幸米峪口狩于九山

二十九年 詔免錢糧之半

三十年冬十二月

皇上駕幸米峪口狩于九山駐蹕七日獲虎五隻 詔改九

山為五虎山

三十二年冬十一月

皇上謁

陵幸米峪口狩于五虎山

三十三年 詔免地丁錢糧 復設山海關戶部抽分先是

原設抽分于關因權關者苛徵虐民浙人倪寶鼎叩 閩鳴狀遂裁冬十一月

皇上駕幸米峪口狩于五虎山

三十四年灤州駐防滿洲奉文移駐郡城建營房于城內

東南隅

三十五年 詔免地丁錢糧

三十六年冬十月

皇上駕幸米峪口狩于五虎山

三十七年冬十一月

皇上東幸謁

陵回進山海關道經永平北門駐蹕於灤河之西次日幸米

峪口狩于五虎山

三十八年冬十一月

皇上謁

陵幸米峪口狩于五虎山

皇太子奉天謁

陵回進山海關道經永平觀漁于偏涼汀

三十九年冬十一月

皇上駕幸米峪口狩于五虎山

四十年冬十二月

皇上駕幸米峪口狩于五虎山

四十二年 詔賞八十九百歲老人銀米絹肉有差

四十三年春二月

皇上駕幸米峪口狩于五虎山

四十四年冬十一月

皇上駕幸米峪口狩于五虎山

四十五年冬十一月

皇上駕幸米峪口狩于五虎山出喜峰口

四十八年 詔賞八十九百歲老人銀米絹肉有差

冬十一月

皇上駕幸米峪口狩于五虎山

四十九年冬十月甲子奉

上諭全免康熙五十年地丁錢糧并歷年民間舊欠

皇上欲將天下錢糧一槩蠲免因眾大臣以歲帑支給甚繁奏請勻計三年通免一周故于明年先免直隸奉天浙江福建廣東廣西四川雲南貴州九省地畝銀共七百二十萬六千一百兩有奇人丁銀共一百一十五萬一千兩有奇並歷年民間舊欠共一百一十八萬五千四百兩有奇通計蠲銀九百五十六萬二千五百兩有奇其餘六省于後兩年候

旨全蠲

王言頒布寰宇歡騰真千古未有之

十一月大雪嚴寒

皇恩也

皇上駕幸米峪口出董家口

康熙五十年十一月

上東巡二十四日永平府知府張朝琮遷安縣知縣喬于瀛
在三屯營西接駕

上問是何人知府張朝琮回奏臣永平府知府張朝琮

上霽容勒馬笑云阿那是何人知府張朝琮回奏是遷安縣知縣喬于瀛

上問是何出身知縣喬于瀛回奏是進士出身

上問有保舉麼知縣喬于瀛回奏未有保舉

永平府志 卷之一
上問云朕記得巡撫題調密雲縣本內有永平府的知縣知府張朝琮回 奏永平沒有調密雲的調的是永年縣知縣于有慶藁城縣知縣朱英還有一鉅鹿縣知縣臣不記得姓名

上點首是日駐蹕三屯營二十五日次灤陽城二十六日知府張朝琮等在灤陽城北送 駕

上問云張朝琮你今年多大年紀了知府張朝琮回 奏臣五十八歲

上問李副將你嗓子好了麼副將李正春回 奏好了

上又問云說得出話了副將李正春回 奏說得出了是日駕出喜峯口駐蹕夢子嶺

永平府志卷之二

萊陽宋

琬撰次

府學訓導徐

香叅訂

蕭山張朝琮續纂

盧龍教諭胡仁濟校輯

沿革

自有郡國以來其分合更變之故千載後不能詳也
况北平山川糾錯多在塞外自唐末入于契丹遺封
故蹟闕泐不章欲總一而條貫之不尤難乎故取各
史地志具而書之其有大牙于境外者亦不得而刪
焉燕遼立國最久燕無史遼有史而不足觀劉昭之

志道元之注並略于東隱蓋亦古今之所同歎矣

漢書

右北平郡 秦置莽曰北 縣十六 平剛 無終 故無終子國漚

水西至雍 石城 廷陵 莽曰鋪武 俊靡 灑水南至無終東入庚莽曰俊麻 蒼

都尉治莽 徐無 莽曰北字 土垠 白狼 莽曰伏狄

曰哀睦 以名縣 夕陽 有鐵官莽曰夕陰 昌城 莽曰淑武 驪成 大揭石山在縣西南莽曰

揭 廣成 平虜 聚陽 莽曰篤睦 平明 莽曰平陽 且慮 有高廟莽曰鉏慮 海陽 龍鮮水東入封

遼西郡 秦置屬幽州 縣十四 新安平 夷水東入塞外 柳城 馬首山在西皆南入海有塩官

入海西部 令支 有孤竹城莽曰令氏亭 肥如 玄水東入瀟水瀟水南入玄莽曰肥而應 賓徒 莽曰勉武 交黎 渝水首受塞外日肥子奔燕燕封于此

尉治莽曰禽虜 陽樂 狐蘓 唐就水至徒河入海 徒河 莽曰河福 文成 應曰日今昌黎

莽曰臨渝 渝水首受白狼東入塞外又言虜 有侯水北入渝莽曰馮德 紫 下官水南入水賓水皆南入

官莽曰選武

後漢書

右北平郡 四城 土垠 徐無 俊靡 無終

遼西郡 五城 陽樂 海陽 令支有孤竹城 伯夷叔齊

本肥如 臨渝 山海經曰碣石之山編水出焉其上其下有青碧水經曰在縣南郭璞曰

國

本

國

或曰在右北平驪城縣海邊山也

遼東屬國

故郡鄉西部都尉安帝時以為屬國都尉別領六城

昌遼故天遼屬遼

西 何法盛晉書有青城山

賓徒故屬遼西

徒河故屬遼西

無

慮有醫無慮山

險瀆

史記曰王險衛蒲所都

房

晉書

幽州

北平郡

縣四

徐無

土垠

俊靡

無終

遼西郡

縣三

陽樂

肥如

海陽

案此郡當有令文史闕文也

平州

昌黎郡

漢屬遼東屬國都尉魏置郡

縣二

昌黎

賓徒

平州初置以慕容廆為刺史永嘉之亂廆為眾所推及

其孫雋移都于薊其後慕容垂子寶又遷于和龍自幽

州至于盧溥鎮以南地入於魏慕容皝以幽州刺史鎮

令支青州刺史鎮新城并州刺史鎮凡城營州刺史鎮

宿軍冀州刺史鎮肥如高雲以幽冀二州牧鎮肥如并

州刺史鎮白狼後為馮跋所篡跋僭號於和龍是為後

燕卒滅于魏

魏書

營州 治和龍城太延二年為鎮真君五年改置永安末陷天平初復

昌黎郡 晉分遼東置真君八年併冀陽屬焉 縣三 龍城 真君八年併柳城 昌黎棘城屬焉 有堯祠榆 頓城狼水 末置有鹿 頭山松山

廣興 真君八年併徒河永樂燕昌 定荒 正光

建德郡 真君八年置 縣三 石城 前漢屬右北平後屬真君八年併遼陽路

大樂屬焉有 廣都 真君八年併白狼建德 陽武 正光未

白鹿山祠 望平屬焉有金紫城 置有三

冀陽郡 真君八年併 昌 縣二 平剛 柳城

營丘郡 正光 未置 縣二 富平 正光 未置 永安 正光 未置

平州 晉置治 肥如城

遼西郡 縣三 肥如 二漢晉屬有孤竹山祠招石陽 武王祠令支城黃山濡河

樂 二漢晉屬真君七年併令支合資屬焉有武 海陽 二 歷山覆舟山林榆山太真山 案資當作資 漢

晉屬有橫山 新婦山清水

北平郡 縣二 朝鮮 二漢晉屬樂浪後罷延和元年徙朝鮮民于肥如復置屬焉

新昌 前漢屬涿後漢晉屬遼東後屬有盧龍山 案前漢涿郡有新昌去遼東絕遠後漢志遼東郡新昌

下亦不言故屬涿蓋名 同而地異魏史誤也

隋書

北平郡 舊置 縣一 盧龍 舊置北平郡領新昌朝鮮

平州 二縣後齊省朝鮮入新昌

又省遼西郡并所領海陽縣入肥如開皇六年又省肥如入新昌十八年改名盧龍大業初置北平郡有長城有開官有臨渝宮有覆舟山有碣石有玄水盧水涅水閭水龍鮮水臣梁水有海

遼西郡 舊置營州開皇初置 縣一 **柳城** 後魏置營州總管府大業初府廢 於和龍城領

建德冀陽昌黎遼東樂浪營丘等郡龍城大興永樂帶方定荒石城廣都陽武襄平新昌平剛柳城富平等縣後齊唯留建德冀陽二郡永樂帶方龍城大興等縣其餘並廢開皇元年唯留建德一郡龍城一縣其餘並廢尋又廢郡改縣為龍山十八年改為柳城大業初置遼西郡有帶方山秃黎山鷄鳴山松山有渝水白狼水

唐書

平州北平郡下初治臨渝武德元年徙治盧龍土貢熊

鄴蔓荆實人獲 縣三 有府一曰盧龍有盧龍軍天寶二載置又有柳城軍永泰元年

置有溫溝白望西狹石東狹石綠疇米磚長楊黃花紫蒙白狼昌黎遼西等十二戍愛川周愛二鎮東北有明垓關鵲湖城牛毛城案二載 盧龍 中本肥如武德二年載當作二年狹石當作硤石 更名又置撫寧縣七年 省 **石城** 中本臨渝武德七年省貞觀十五年復置萬歲關有碣石山 **馬城** 中古海陽城也開元二十八年置以有溫昌鎮 通水運東北有千金冶城東有茂卿城 鎮

營州柳城郡上都督府本遼西郡萬歲通天元年為契

丹所陷聖曆二年僑治漁陽開元五年又還治柳城天

寶元年更名土貢人獲麝香豹尾皮骨髓 縣一 有平

開元初置東有鎮安軍本燕郡守捉城貞元二年為軍城西四百八十里有渝關守捉城又有汝羅懷遠巫閭

襄平四 柳城 中西北接奚北接契丹有東北
守捉城 鎮醫巫閭山祠又東有碣石山

安東上都護府總章元年李勣平高麗得城百七十六

分其地為都督府九州四十二縣一百置安東都護府

於平壤城以統之用其會渠為都督刺史縣令上元三

年徙遼東郡故城儀鳳二年又徙新城聖曆元年更名

安東都督府神龍元年復故名開元二年徙于平州天

寶二年又徙于遼西故郡城至德後廢土貢人侵 有安東守

捉有懷遠軍天寶二載置又有保定軍

宋史

平州隋置後唐時為契丹所陷改遼興府以營灤二州

隸之宣和四年賜郡名漁陽升撫寧軍節度五年遼將

張覺 遼史 搃州來降尋為金所破 縣三 盧龍 賜名

石城 賜名臨闕疑 馬城 賜名

營州隋置後唐時為契丹所陷宣和四年賜郡名曰平

防禦 縣一 都城 賜名

遼史

榆州高平軍下刺史本漢臨渝縣地後隸右北平驪城

縣唐載初二年析鎮州置黎州處靺鞨部落後為奚人

所據太宗南征橫帳解里以所俘鎮州民置州開泰中

沒入屬中京 縣二 和衆 本新黎縣地 永和 本漢昌城縣地統和二十

二年置

隰州平海軍下刺史慕容皝置集寧縣聖宗括帳戶遷

信州大雪不能進建城于此置焉隸興聖宮來屬 縣

一 海陽 本漢縣瀕海地多鹽鹵置塩場于此

遷州興善軍下刺史本漢陽樂縣地聖宗平大延琳遷

歸州民置來屬有箭筈山 縣一 遷民

潤州海陽軍下刺史聖宗平大延琳遷寧州民置 縣

一 海濱 本漢陽樂縣地遷潤州本東京城內渤海民戶因放移于此

平州遼興軍上節度商為孤竹國春秋山戎國秦為遼

西右北平二郡地漢因之隋開 改平州大業初復

為郡唐武德初改州天寶元年仍北平郡後唐復為平

州太祖天贊二年取之以定州俘戶錯置其地 州二

縣三 盧龍 本肥如國春秋晉滅肥肥子奔燕受封于此漢晉屬遼西郡元魏為郡治兼正

平州北齊屬北平郡隋開皇中省肥如入新 安喜 本漢

昌十八年改新昌曰盧龍唐為平州後因之 望都 本漢海陽縣久廢

俘戶置在平州東北六十里 縣俘戶置有海陽山 縣在州南三十里

灤州永安軍中刺史本古黃洛城灤河環繞在盧龍山
南齊桓公伐山戎見山神俞兒卽此秦爲右北平漢爲
石城縣後名海陽縣晉以後屬遼西石晉割地在平州
之境太祖以俘戶置灤州負山帶河爲形勝之地有扶
蕪泉甚甘美秦太子扶蘇北築長城嘗駐此臨榆山峯
巒崛起高千餘仞下臨榆河 縣三 義豐 本黃洛故城黃洛水
北出盧龍山南流入于濡水漢屬遼 西郡久廢唐季入契丹世宗置縣 馬城 本盧龍縣地唐開元二十
八年新置縣以通水運東北有千金冶東 石城 漢置屬郡久廢唐貞觀中于此置臨榆縣萬歲通天元年改石
城縣在灤州南三十里唐儀鳳石刻在焉今縣又在其

南五十里遠徙置以就土官○
尚有營州屬本軍以境外不錄

金史

平州中興平軍節度使遼爲遼興軍天輔七年以燕西
地與宋遂以平州爲南京以錢帛司爲三司天會四年
復爲平州嘗置軍帥司天會十年徙軍帥司治遼陽府
後置轉運司貞元元年以轉運司併隸中都路貞祐二
年四月置東面經畧司八月罷貢櫻桃綾 縣五 鎮

一 盧龍 倚撫寧 本新安鎮大定二十九年置 海山 本漢海陽故城遼以所俘望都

縣民置故名望都 遷安 本漢令支縣故城遼以所俘安喜縣民置因名安喜大定七年

更今鎮一建昌黎遼營州鄰海軍以所存定州民置廣寧縣皇統二年降州來屬大定二十年以與廣寧府重故更今名

灤州中刺史本黃洛故城遼為永安軍天輔七年因置

節度使 縣四松亭關國名斜烈只鎮二 義豐倚石城有長春行宮長

春淀舊名大定淀鎮一榛馬城 樂亭 鎮一新橋

元史

永平路下唐平州遼為盧龍軍金為興平軍元太祖十

年改興平府中統元年升平灤路置總管府設錄事司

大德四年以水患改永平路領司一縣四州一領縣二

錄事司 縣四 盧龍下倚遷安下至元二年省入盧龍縣後復置

撫寧下至元二年與海山俱省入昌黎三年復置四年又與海山俱入昌黎七年復置仍省昌黎海山入

馬十一年復置昌黎以昌黎下至元十二年復置仍併屬灤州今昌黎屬本路海山入焉詳見撫寧縣

灤州下在盧龍塞南金領義豐馬城石城樂亭四縣元

至元二年省義豐入州三年復置先以石城省入樂亭

其年改入義豐四年馬城亦省領二縣 義豐下倚郭

年省入州樂亭下元初嘗於縣置漠州尋廢復為樂亭縣隸灤州

永平府志卷之二終

永平府志卷之二終

九

